

Historiae Infectionis Variolarum
Humanarum et Vaccinarum
Comparatio. WAITZ
Fidericus Carolus Weitz.
Leipzig. 1803

L. Lxvi.

EPB/B

'9/w

54391/B

WAITZ, F C

91898

VNIVERSITATIS LITTERARVM
LIPSIENSIS

H. T.

PRO CANCELLARIUS

D. CHRISTIANVS FRIDERICVS
LVDWIGIVS

PATHOL. P. P. O. ACAD. DECENVIR ETC. ETC.

PANEGYRIN MEDICAM

A. D. XX. MAII .C.IX.CCCCIII.

IN

AVDITORIO MAIORI

CONCELEBRANDAM

INDICIT.

*Historiae infectionis variolarum humanarum et
vaccinarum comparatio.*

SPEC. I.





Inter recentiora detecta, quibus ars salutaris nuper copiose locupletata et aucta est, — fuit vero ab antiquissimis temporibus tam felix, ut inuentis summis, diuinis atque incomparabilibus fortunata sorte augeretur, — nullum maiorem atque promptiorem felicitatem generi humano attulisse videtur, quam insitio variolarum vaccinarum. Simili et tam salutifero inuento inde a longinquo tempore medicina non aucta erat. Namque promittit haec noua medici inferentis ars tria commoda, defendere ab humanarum variolarum contagio et grauissima peste, mitigare valetudinis aduersae valde exitiosum genus in suis symptomatibus et quod caput rei est, extirpare denique pessimam aegritudinem ipsam. Atque haec tria commoda etiam certissimo vinculo inter se inuicem nectuntur. Quae enim ineunte seculo praeterito insignia commoda variolarum humanarum in Europam introducta inoculatio generi humano attulit, nota sunt omnibus, maiora tamen pollicetur et hucusque praestitit insitio variolae vaccinae. Excultum autem est variis temporibus ex hominum inconstantia et peruersa iudicandi ratione insitionis humanarum variolarum artificium ita,

vt alii in hominum exitium illud inuentum esse existimarent, inter quos eminent inprimis *Wagstaffe*, *Hecquetus*, *Rastius*, *Pizzorno* et *Haenius*; alii e contrario ipsum summis laudibus extollerent, inter quos *Verlhofum*, *Hallerum*, *Kirkpatrickum*, *Tiffotum*, *Voglerum* cum *Dimsdalio* praeter sexcentos alios honoris causa nomino.

Quae cum ita sint et cum historia artis salutaris in vniuersum suam habeat insignem vtilitatem et dulcedinem, constitui apud animum meum in nonnullis commentationibus enarrare et delineare in breui et concinna tabula historiam insitionis variolarum humanarum, eamque comparare cum hodiernae insitionis variolarum vaccinarum fati.

Iam vero nolo redire ad antiquitates morbi variolosi humani naturalis, de quibus praeter plures alios praeprimis legendus est *Grunerus* (*Morb. Antiquitt.* p. 52.) nec multis verbis adumbrare dirissimum atque atrocissimum in hominum perniciem progenitum et cane atque angue peius fugiendum malum variolosum cum suis sequelis. Etenim variola humana non tantum multis in casibus et frequentissime mortem attulit, cum scilicet immunitatis a variolis beneficio fruuntur perpauci, verum quoque valde dolorificum, incommodis plenum, aegrotis et adstantibus valde taediosum morbum procreauit, qui insigni et lethifero periculo, quod secum adducebat, suo squalore ex suppuratione et diuturna reconualescentia genus humanum fatigaret atque vitae humanae et formae pulcritudini haud raro infestus, morbos secundarios plures, vna cum deformi faciei turpitudine nempe multas oculorum, aurium, ossium et viscerum vicissitudines e. s. p. produceret, ita vt cariem, phthisin et alia insanabilia mala progigneret et haud pauci sensum
et

et membrorum beneficio et usu ab hoc vehementissimo valetudinis aduersae genere orbatī essent. Sic variola humana vno seculo ab a. 1650 ad a. 1750 Londini 152, 461. homines necauit et in Suecia porro variolae et morbilli per vndecim tantum annos 95, 101. homines interfecerunt. Praeter pestem et febrem flauam enim vix alius morbus capitalior plures interemit homines, quam morbus variolosus, qui etiam minoris pestis nomine eapropter insignitus est. Porro variolarum lethifera potestas nullam aetatem, nullum sexum, nullam vitae conditionem, nullum clima praeterit, vt vix ac ne vix quidem vnus satis sibi caueat. Paucae familiae non huius mali causa praeterito seculo lacrumarunt: quem metum et angorem minuit insitionis praestantissimum inuentum, qua noua via pessimo morbo occurrere conati sunt praeclarissimi medici.

Quod inuentum iure praestantissimum vocare oportet. Nemo enim, speramus, dubitabit de insitionis cuiuslibet in vniuersum dignitate. Nam praeter variolas alii adhuc morbi generi humano per simile artificium communicati sunt; adeo animalibus brutis pestiferi morbi et exanthemata per insitionem tradita sunt. Quod enim natura inconsiderate facit, hoc ars considerate et consulto perficit. Naturale enim contagium non solum ad omnia organa inspiratoria et resorbentia vomitem deducit, verum quoque in maiori copia, in aere omnino corrupto et pessimo, — reliqua commemorare nec licet nec lubet, — contagem illam, qua nulla est capitalior ad humores communes demittit; ars vero medici inferentis et insitionis ministerium modo per pauca ostia absorbentia et pariori in copia electum contagium admittit, eligit porro anni tempus, aptam aeris temperiem, hominum aetatem et
opti-

optimam valetudinem, nutrimentum idoneum et quae alia commoda hic locum habere possunt, ita, ut in electis hominibus, iusto tempore atque apta praeparatione praegressa contagium saltem minus detrimentosum existat.

Iam vero accedo proxime ad meum argumentum et offero hic lectori breuem tabulam historiae insitionis variolarum humanarum a primis laudati inuenti temporibus ad nostra usque tempora vel ad id tempus, quo insitio variolarum humanarum terminos suos attigit et variola vaccina humanae pestem et metum fugauit.

Sine vlllo partium studio atque omni adhibita diligentia verissima modo enarrabo, ut huius rei inuestigatione veritati suum reddatur decus et omnis falsi vis pereat. Praetereo autem tempora incerta et obscuriorem mei argumenti historiam, de his in secunda scriptione dicturus. In subiuncta vero tabula inprimis indicabo, quo tempore, quibus in regionibus et ciuitatibus, a quibus medicis e. s. p. inoculatio instituta fuerit.

1713. insitio variolarum ex Turcia aduena per omnem Europam postea diuulgata est.

— — *Emanuel Timoni* hanc artem a foemina Thessala ex Philippopoli orta intellexit: in litteris ad Woodwardum.

1715. *Iacobus Pilarini* (*Noua et tuta variolas excitandi per transplantationem methodus. Venet.*)

1716. *Ant. le Duc.*

1717. Constantinopoli in filio sex annorum legati Anglici, suadente matre immortalis famae matrona *Worthly Montague* insitio peracta est.

17... Viennae? (cf. *Leigh Hist. tussis.*)

- 1719 — 1720. in Gallia per *Ellerum*.
 1720. *Abraham Vater*. (*Methodus noua transplantandi variolarum
 - infitionem. Viteb.*)
 1721. Anhaltii *Eller*.
 — — in Anglia in sex captiuis et capite damnatis infitio ad-
 ministrata est.
 — — filiae Illustr. matronae *Montague* Londini per *Maillandum*
 contagium variolosum traditum est.
 — — *Reimannus* medicus in Hungaria filium suum inoculauit.
 — — *Shadwell* medicus filio suo inferendis variolis prospexit.
 — — *Iacobus a Castro*.
 1722. Bostoni.
 — — Berolini (*Acta Erud.* 1724. 538.)
 1723. d. 22. Maii Londini *Guilielmus Augustus Dux Lanca-*
striae variolas infitione accepit.
 1724. *Hecquetus* aduersus var. infitionem.
 1725. Hanouerae.
 — — Pyrmonti.
 1726. in Scotia *Maitland*.
 — — Peckini Chinae.
 1729. Londini mors filii Ducis Bridgewater, infantum porro
Comitis de Sunderland, filii Nobilis Primi Ordinis
Hillborough et vxoris legati Bataui *Hoppe* infitionis
 laudes adeo imminuit, vt eius fama Londini et per to-
 tam Angliam caderet.
 1730. Monspeli.
 — — Auinionii.
 1731. in comitatu Pembrocensi Angliae.
 1734. Parisiis.
 1738. in Carolina Americae.
 1739. Bresciae.
 1743. in Anglia et Londini diuini artificii auctoritas iterum
 inualuit.
 — — in Hibernia.

1746. Londini Nosocomium variolis inferendis destinatum est.
(cf. *Medical-Register* 1780. p. 53.)
1748. in Belgio *Tronchinus* filium suum a morbo varioloso arte liberavit.
1750. Genevae.
— — Sarisberiae.
1752. in Dania illustr. status ministri *Bernstorff* coniux exemplo suo praeluxit.
1753. Hagae Comitum.
— — in Scotia optimo cum successu.
1754. Aboae *Lechio*, Vpfaliae *Aurivillio* DD. MM. praeuntibus.
— — Hanouerae de nouo. *Hugo; Werlhof.*
— — Lugduni Gallorum.
— — Laufannae *Tiffot.*
1755. in Georgia Americae.
— — Sienae (*Gli Atti dell Acad. di Siena, Tom. I.*)
— — in reliqua Italia post magnam epidemiam variolosam a. 1754.
— — Basileae *Mieg.*
— — Institutum publicum in Dania.
— — Parisiis sparsim.
1756. in Norwagia.
— — in Liuonia inprimis sub auctoritate meritissimi *Eisen* V. D. M.
— — Parisiis *Tronchinus.*
1757. Bernae *Hallerus* immortalis memoriae vir in filio proprio.
— — Romae.
— — Nemaufii.
— — Parisiis dirigente *Hofst.*
— — insurgit *de Haen* aduersus infectionem.
1758. in Bengalia.
— — Philadelphiae.

1758. Hamburgi *Iaenisch, Reimarus, Seip, Carpfer.*

— — Altonae *Vnzer.*

— — Gottingae *Roederer.*

— — Bremae.

— — Berolini *Meckel.*

— — Magdeburgi *Kessler.*

— — Gothae *Sulzer.*

— — Lipsiae *Ludwig.*

— — Lugduni Gallorum.

— — circa idem tempus institutiones plures publicae peractae
et instituta publica huic arti dicata sunt.

1760. Tiguri *Schinz et Rahn.*

1761. Stockholmiæ *Dav. Schulz, Acrel, Bergius* et per omnem
Sueciam.

— — in pago Floby Scaræ vicino.

1762. in Italiae diuersis prouinciis.

— — Florentiis in nosodochio St. Matthaei quotannis mense
Aprili et Augusto viginti infantes vtriusque sexus ar-
tificialibus variolis affecti sunt.

— — Episcopi Cellae *Scherbius.*

— — Lipsiae *C. C. Krause* de variolarum extirpatione cogitat.

1763. Parisiis *Gatti.*

— — Parisiis nosocomium variolis naturalibus et artificiali-
bus dicatum.

— — 3. m. Iun. Interdictum supremae curiae Parisiensis.

— — Vitoduri *Sulzer.*

— — Dresdae *Demiani et Probst.*

— — *Rastius* Lugdunensis extirpationem variolarum per no-
socomia et aegrotantium separationem commendat.

1764. Lipsiae *Ludwig.*

1764. in pago Simmerbya Sueciae peculiare aedificium variolarum insitioni destinatum exstructum est.
 — — *Richardus* inoculationem extirpationis variolarum ministrarum esse suadet.
1765. Roderodami *de Momchy*.
 — — *Hensleri* litterae ad Supremam Regni Curiam Parisiensem datae.
1766. Holmiae aedes publicae insitioni inferuientes adornatae sunt.
 — — in insula Corfica.
1767. *Sutton* methodum inoculationis mutat.
 — — Hamburgi.
1768. Viennae *Ingenhousio* duce, qui ex Anglia aduocatus erat.
 — — Hungariae Regina sapientissima Maria Theresia *Ingenhousium* magno praemio et annua pensione ornat.
 — — Petropoli Augustissimae Imperatrici Catharinae II. et Magno Duci a *Dimsdalio* artificiales variolae datae sunt.
 — — Augustissima Russorum Imperatrix *Dimsdalium* ornat magno praemio et Baronatus Russici honore.
 — — In Suecia archiatri insitionis praesidibus praemia destinantur.
 — — Senatus Venetus viginti et quatuor liberos mendicorum in triuiis inuentos cum optimo successu inoculari curauit.
 — — Lipsiae *Kadelbach* et *Heine*.
 — — Fribergae *Naumann*.
 — — Varsoviae *Rietsch*.
 — — Parisiis *Gatti* non obstante interdicto in schola militari.
1769. 1770. Lipsiae *Ludwig*, *Rother*, *Börner*.
 1770. Hafniae nosocomium insitionis exercitio dicatum.

- 1770. Vilmae.
- 1771. Hetzendorffii sub auspiciis *L. B. de Störk*.
- — in Iamaica.
- 1772. Irkuzkiae in Sibiria ex munificentia Augustissimae Imperatricis Catharinae II. nosocomium ad insitionis exercitium aedificatum est.
- 1774. Mindae in Westphalia.
- — Rigae in Liuania.
- 1777. Generalis insitionis Londinensis Primordia. (*The Dispensary for general inoculation. cf. Medical-Register 1780. p. 55.*)
- 1778. Inoculatio generalis Chestriae administrata ab *Haygartho*.
- 1781. Generalis inoculatio regnante epidemia in pago Lutow comitatus Bedfordensis.
- 1782. *Sarcone* denuo exstirpationem variolarum commendat.
- 1784. Parisiis *Götz*.
- 1785. Generalis inoculatio epidemia regnante Painsvici in Comitatu Glocestriensi, dirigente *I. E. Jenner*.
- 1787. Propria domus in usum insitionis variolarum Viennae ab Imperatore exstruitur.
- 1789. d. 22. Dec. Edictum Regis Borussiae, quo insitio variolarum de nouo commendatur (*Scherfs Beyträge III. 1. pag. 62.*)
- 1791. Exitiosa epidemia Halensis.
- 1792 et 1797. *I. C. G. Junker* continua laude variolarum exstirpationem prosequitur.
- 1798. *Faust* M. D. Bückebugensis ad Conuentum Rastadiensem. (*An den Congress zu Rastadt über die Ausrottung der Blattern. Leipzig, Fol.*)
- — Initia insitionis variolarum vaccinarum.

Haec igitur habui, quae in breui hac tabula depingere, ex qua in altero specimine plures animaduersiones deducam et mihi viam aperiam ad alteram historicae meae enarrationis partem, ad historiam nimirum insitionis variolarum vaccinarum.

Haec praefandi opportunitatem subministravit:

V I R

CLARISSIMVS ATQVE DOCTISSIMVS
FRIDERICVS CAROLVS WEITZ

NVMBVRGENSIS

AA. LL. M. ET MEDIC. BACCALAVREVS,

qui ex Ordinis Nostri decreto nomine et iure Doctoris dignus iudicatus est.

Natus est a. praeteriti seculi LXXIV. Patre Friderico Augusto, artis salutaris Doctore clarissimo, Praefecturae Numburgensis et ciuitatis Friburgensis, Mûchelsis et Lauchensis medico publico; matre Ioanna Eleonora Augusta Rockenthienia. Vtriusque parentum in se educando sedulitatem ac fidem celebrat. Postquam religionis et litterarum initia ei tradita essent a magistris domesticis, disciplina scholae senatoriae Numburgensis et Lipsiae postea institutione privatissima Praeclarissimi Friderici Rothmaleri AA. LL. M. nunc Aduocati et Actuarii praefecturae Rosla-Stolbergensis usus est et ita tirocinio deposito accessit a. MDCCCXXXIII. ad academiam Ienensem Rectore Reichhardto, in qua musarum sede per quatuor

quatuor integros annos philosophiae et arti salutari maximo cum fructu operam dedit. In philosophia omni Reinholdum in psychologia empirica Schmidium, in historia naturali Batschium, in mathefi pura Fischerum, in physica experimentalì Vogtium doctores habuit. Osteologiam Köhlerus, anatomicam omnem, physiologiam, medicinam forensam, artem obstetriciam et chirurgiam Loderus, materiam medicam, artem formulas concinnandi et artem obstetriciam Starkius senior, chemiam Göttingius, pharmaciam theoretico-experimentalem Fuchsius, toxicologiam Succovius amicus ipsi suaviſſimus eum docuerunt. In medicina forenſi et politica medica Grunerum, in pathologia Nicolaum, in ſemiotica denique, pathologia, therapia generali et ſpeciali Huſelandum ſecutus eſt. Tandem in noſocomio ducali ſub auſpiciis Huſelandi et Loderi artem obstetriciam, praxin tum medicam, tum chirurgicam exercuit. Atque omnibus hiſ magiſtris ſuis gratiſſimum teſtatur animum. Anno huius ſeculi III. Lipſiae poſt tentamen per colloquia Baccalaureus factus eſt, tum poſtquam lectiones pro licentia de tympanite habuiſſet, poſt paucas ſeptimanas alterum examen ſubiit, in quo Ordini Noſtro idoneam doctrinam probavit. Nunc ut Doctoris iura et ornamenta more maiorum conſequatur, d. XX. Maii libellum, cuius ipſe auctor eſt, de Emphyſemate: Praeſide Excellentiſſimo Hebenſtreitio, collega coniunctiſſimo deſeudet.

Ego vero ipſi pro ea, quae mihi ad hunc actum clementiſſime conceſſa eſt, Procancellarii auctoritate, aditum ad ſummos in arte medica honores parabo. Breui enim habita oratione licentiam Noſtro tribuam, Doctoris titulum capiendi. Inter maximas vero ponam voluptates, ſi quidem RECTOR ACADEMIAE MAGNIFICVS, PRINCIPES CELSISSIMI, COMITES ILLUSTRIS-

LVSTRISSIMI, VTRIVSQUE REIPUBLICAE PROCERES GRAVISSIMI, GENEROSISSIMI ATQVE NOBILISSIMI VNIVERSITATIS NOSTRAE CIVES me frequente sua praesentia honorare haud dedignentur; quos omni qua par est obseruantia cupio exoratos, vt publico hoc propensionis suae documento, quam bene Ordini meo mihiqve cupiant, comprobare haud grauentur.

P. P. Dominica Rogate. A. R. S. c1810ccccii.

L I P S I A E,

EX OFFICINA KLAVBARTHIA.
